

定曆玉衡

定曆玉衡卷九

秀水 張雍敬著

三統說

造化之數有始終。自始至終必漸為推移。漸為通復。此三正三統之所由建。而歲差之所由著也。三正之法。建自三皇。子會建子為天正。其中星起于午。丑會建丑為地正。其中星差于未。寅會建寅為人正。其中星差于申。蓋率天緣人。一本乎自然之運而已。詳三正說至于五帝之世。運當卯位。中星在酉。若承前法。似應

建卯而三才之義既備。則不可復尚。四始之理既得。則不可復更。故人正之建。遂為百王所同。然天運已移。而正朔不改。則歲將^差無由而著。於是聖人建三統之法。以立春為烝首。顯從建寅之舊。而默寓歲差之理。予不見形跡之中。既有合乎天運之差移。復不駭夫愚民之耳目。蓋三正之改從乎象。而三統之立從乎烝也。

三正是改月。三統是紀年。原為兩事。漢人所以悞合為一者。則以義取三才。彼此相同。故易致蒙混。

一元分為三統。天統甲子。人統甲戌。地統甲申。年數見前
三才之義。天位乎上。人位乎中。地位乎下。大易三才之序本如是
陽生於子。故子為天統。而曰上元。物成於戌。生於寅而實
成於申。故申為人統。而曰中元。坤位乎申。故申為地統。
而曰下元。

三正之建從象。以中星為主。而取天開地闢人生之義。故其序為天地人。三統之法從為。以幹枝為用。而取三才定位之義。故其序為天人地。二者不同。世因混三正三統為一。遂皆以天地人為序。抑

知大易之理。固自不可易邪。

漢志載劉歆三統曆譜曰。黃鍾為天統。始施于子

半。為天正。林鍾為地統。受于丑初而畢于辰。

天地生物

自十二月畢。為地正。太簇為人統。受于寅初而成于

申。人功自正月至七月畢。為人正。故曆數三統。天以甲子。地

以甲辰。人以甲申。孟仲季迭用事為統首。夫黃鍾

為子月之律。太簇為寅月之律。是矣。而丑月獨用

林鍾。則未之律也。而曰丑取未之衡。不牽強乎。

且既以甲子甲辰甲申為天地人之序。而曆譜孟

統乃起甲申。仲統乃起甲子。季統又起甲辰。其序不合。注家又謂甲子為周正朔日。甲辰為商正朔日。甲申為夏正朔日。總之混三正三統為一。則義必有所不通。故其說多支離而背課。乃曰三五相包。王者必貴三五。多見其為自文而已矣。

上元甲子。炁首始于子半。氣從乎日也。天為陽而主日。故曰日合天統。中元甲戌。搖光貞于月建。炁從乎斗也。斗建說天地合。天之斗。地之辰。陰陽和。陰陽之炁。而萬物之命皆繫于斗。故曰斗合人統。下元甲申。一陽復

於望夕。氣從乎月也。地為陰而主月。故曰月合地統。

自開闢至地統甲申。凡一萬八千二百六十歲。

積六百六十六萬二千。百二十五日七三三。

太以旬周累除之。得己酉為冬至日。朔積六百六

十六萬二千一百。一日九七九三太。減三朔。以

旬周累除之。得甲午三八七五太。為天正朔。加望

策。一十四日七十六得己酉一五二八太。為天正望。

日。蓋至望同日也。是為炁從乎月。於時歲陰在申。

而一元十二運。又在申運之中。是為月合地統。

止舉六甲之半。以紀一年始終之運。而不及乎混沌者。聖人道其顯。不索其隱也。然而太盡全數。已不外于斯矣。

甲子之法。包括天地始終全數。甲子甲戌甲申。統開闢之歲月。甲午甲辰甲寅。統混沌之歲月。今推三統之法。其分為六氣。又分為十二運。其紀年皆在上三句中。詳後表並無一年錯出于下三句者。蓋止用半甲子而已。盡開闢之歲月矣。真是聖人制作。包含天地。搏挐陰陽。數為定數。理為定理。世于

甲子干支。以為但紀歲時月日而已。豈知有如是之精蘊哉。

蓋太極始終。猶一歲之運。而一元始終。猶一歲之半。

故三統分為六氣。

自冬至一陽生。夏至為六陽之極。

六氣析為十二

運。

自冬至至芒種。合節氣中氣共十二氣。

每運二千二百八十二年零

六月有半。一陽初運。始于上元甲子冬至。終于地皇

之前丙寅夏至。一陽中運。始于丙寅小暑。終于人皇

之前乙巳小寒。二陽初運。始于乙巳大寒。終于黃帝

六十九年辛未大暑。二陽中運。始于辛未立秋。終于

周顯王二十二年甲戌立春。三陽初運。始于甲戌雨水。終于將來二百四十六年之後丙子白露。自是以往。訖于甲午夏至。六陽極而十二炁周。則一元之運終矣。

其法以六陽之十二運為經。以六陰之十二炁為緯。中炁則始陽而終陰。節炁則始陰而終陽。蓋推天地之數。雖用其半。而究陰陽之理。自具其全也。聖人作曆以明時。無非順天以立法。故時當一元之冬至。則即以冬至為炁首。時當一元之立春。則即以

立春為炁首。興為推移。興為通復。不必改時。亦不必改月。而天運歲差。已寓于曆法之中。義甚精而用甚微也。今攷額帝之時。當二陽中運。故其曆法以立春為元。

額帝曆術曰。天元正月乙巳朔旦立春。日月起于天廟營室五度。

漢董巴議曰。昔伏羲始造八卦。作三畫以象二十四炁。黃帝因之。初作調曆。歷代十一。更年五千。凡有七歷。額頊以今之孟春正月為元。其時正月朔。

曰立春。五星會于天歷營室也。冰凍始泮。蟄蟲始
發。雞始三號。天曰作時。地曰作昌。人曰作樂。鳥獸
萬物莫不應和。故顓頊聖人為曆宗也。湯作殷曆。
弗復以正月朔旦立春為節。更以十一月朔旦冬
至為元首。正既改寅為丑。自不得仍用立春為元
在殷國應爾。若後世既定寅為正。先
則未肯何以必用丑。夫至為元首
于理未為不是。而三統之法。則已微矣。下至周魯
及漢皆從其節。據正四時。夏為得天。以承堯舜統
顓頊故也。

自周顯王二十二年甲戌。以至于今。則在三陽初運。

故昔之曆家。亦有以雨水為炁首者。其殆得三統之遺意乎。

宋何承天元嘉曆。以雨水為炁首。

石晉時。馬重績造曆。名調元。以天寶十四載為上

元。以正月雨水為炁首。先唐建中時。術者曹士薦始變古法。以頭歲五年為上元。以雨水為歲首。號符天曆。行于民間。重績用以為法。

而世多不能原其意。則古聖精微之蘊。原無望于庸夫術士。盡人而知之也。

三統圖


元 一元二萬七千三百九十有半歲分為三統

統 統各九千一百三十歲零二月三統分為六氣


氣 氣各四千五百六十五歲零一月六氣分為十二

運 運各二千二百八十二歲零六月有半

天統甲子 起天正冬至
終甲戌立春



一元十二運積年表



冬至	起上元甲子冬至	終丙寅夏至末	二千二百八十二歲零六月有半
小寒	起丙寅小暑日己巳	終乙巳小寒末	四千五百六十五歲零一月
大寒	起己巳大寒日丁亥	終辛未大暑末	六千八百四十七歲零七月有半
立春	起辛未立春日戊辰	終甲戌立春末	九千一百三十歲零二月
雨水	起甲戌雨水日庚戌	終丙子處暑末	一萬一千四百一十二歲零八月有半
驚蟄	起丙子白露日辛卯	終乙卯驚蟄末	一萬三千六百九十五歲零三月

種芒	滿小	夏立	雨敷	明清	分春
起辛卯小雪日庚子	起己丑滿日己未	起丙戌立冬日丁丑	起甲申穀雨日丙申	起辛巳寒露日甲寅	起己卯春分日癸酉
終甲午夏至	終辛卯小雪末	終己丑立夏末	終丙戌霜降末	終甲申清明末	終辛巳秋分末
二萬七千三百九十歲零六月	二萬三千一百〇七歲零十一月有半	二萬二千八百五十五歲零五月	二萬〇千五百四十二歲零十月有半	一萬八千二百六十歲零四月	一萬五千九百七十七歲零九月有半


上元乾象圖序

天之所以示人者。象與氣耳矣。人之所以占天者。理與數耳矣。然數形下而易測。理形上而難知。故必推數以明理。不可執理以造數也。昔人治曆。亦曷嘗不兼言理數哉。意在先執一理。而為數以傳合之。如至朔分齊七曜同元等說。故欲定天地之運。而天地不為所定。今惟即天地自然之運。求天地自然之數。以與天合。而理著焉。則天地之運。自定于理矣。或問于蔡西山曰。邵子一元之數。何以知之。荅曰。大抵以日月五星。


之運行求之。夫所謂求之于日月五星者。經世書未嘗明言之。西山又不為推明之。豈姑為是言以釋或人之疑邪。然欲窮天地始終之數。則要不外于斯言矣。於是即今日之運行。推而上之。至于開闢之始。凡日月星辰。一一見其定象。復自開闢。推而下之。至于三五以降。而日月星辰。又一一見其足徵。則造化之理著。而上元之數。自得其真矣。既得其所以為始。自晰其所以為終。合天地之始終。以為數。究始終之全數。以觀理。則曆中條緒。一以貫之。而皆無過不及之

弊。所謂古人有一定之法者。其在斯乎。爰著上元終
元乾象圖。以明日月星辰始終之定理。則定數由此
可信矣。而又證以經史微言。及二氏餘說。見古人已
有先我而明其理者。原非雍蔽所獨得。而一家之私
言。若夫漫言天地之數。問其理而不能言也。求其證
據而不可得也。是亦自誣以誣人而已矣。

上元乾象圖



終元乾象圖



太陽躔大梁之次參旗二度 古赤道畢五度

太陰躔實沈之次狼三度 古赤道井十二度

歲星躔實沈之次參旗十五度 古赤道觜二度

熒惑躔壽星之次角六度

填星躔壽星之次角五度

太白躔鶉首之次弧三度 古赤道井十七度

辰星躔實沈之次罰十二度 古赤道井三度

中星為赤道午正南斗七度 古赤道七星七度

以上為上元七政所躔中星所起度

太陽躔大火之次古赤道氐六度

太陰躔降婁之次古赤道婁十二度

歲星躔星紀之次古赤道斗二十四度

熒惑躔娵訾之次古赤道危十五度

填星躔鶉火之次古赤道柳十度

太白躔鶉尾之次古赤道軫三度

辰星躔大火之次古赤道氐二度

以上為終元七政所躔度

圖說

天地開闢。在上元甲子。子陽生。初三夜子冬至。其
初昏之象。

炁始于夜半。而象定于初昏者。天象先開。地炁後
開。序固如是。且步月步斗。必於昏時。從初見以爲
始也。

太微在上。紫微在中。天市在下。而三垣定矣。元枵在
子。鶉火在午。大火在卯。大梁在酉。舉四正以而十二
次定矣。角亢氐房心尾箕在東。是成蒼龍之象。井鬼

柳星張翼軫在南。是成朱鳥之象。奎婁胃昂畢參罰
在酉。是成白虎之象。斗牛女虛危室壁在北。是成元
武之象。而二十八宿定矣。日晨出于卯。而昏沒于酉。
故躔畢而藏鳥。月魄藏於庚。而望盈於卯。故離房而
腹兔。

二十八宿分禽。酉中為畢月鳥。卯中為房日兔。故
日為月兔之說。古書如山海經。屈子。皆有之。鳥係
以月而藏于日。兔係以日而藏于月。此政所謂陰
陽之精。互藏其宅者也。蓋亦假象取義云爾。若謂

真有是象則非矣。

北極為羣靈之主。大帝之神。臨明堂以出震。

明堂心星也。

北斗為列象之綱。元氣之宰。齊七政以建杓。一元終始。繫於南斗。五炁順布。長則歲星。

木為五德之長。故木星最在前。次水。次金。次土。次火。皆從後相生。日亦屬火。故在木前。月即屬水。故在金前。五行順序而相生。此誠定理定數也。

天道貴右。眾曜隨陽。

月與五星皆隨太陽之後。

天道貴明。三光閒列。

五行惟火有光。能炳日月所不及。故曰日煜乎晝。
月煜乎夜。燈光煜乎晝夜。今推日後間木火二星
為月。、後間金土二星為火。則三光代明之象也。
辰與地符。宿與方合。日月並明如合璧。五星相生如
連珠。造化之奇。陰陽之秘。於昭于斯矣。自是以後。三
辰交錯。變化流行。莫可名象。逮夫攝提貞于月建。開
人統之天。詳斗建說夜明麗于未坤。著地統之理。詳三統說此
一定之分限。而造化之所以為節也。至于三統數終。
積二萬七千三百九十餘年。當甲午歲之夏至。則天

市在上。太微在下。元枵在午。鵠火在子。大火在酉。大
梁在卯。蒼龍在西。朱鳥在北。白虎在東。元武在南。日
躔于卯。月離于戌。北辰指尾。斗杓建戌。五星背馳。不
復相生。日月星辰無不倒易其位。而天運一終矣。

上元乾象證 一十六條

三元一

曆家甲子。分上中下三元。凡三甲子一周。今從康熙二十三年復起上元。推而上之。六十二周。凡一百八十六甲子。得開闢之歲。初起上元甲子。

步日二

今康熙二十九年庚午。天正冬至經為應。三十九日。三〇五六三四七。二六。

上距上元甲子。一萬一千一百六十六歲。以歷策百三

六十五日二四二乘之得歲積四百。七萬八千二
六三八八七一。一乘之得歲積四百。七萬八千二
百九十九日三。五六三四七。二六減去庚午經
歷應以旬周累除之。無餘分。得甲子歲首。天正甲子
月甲子日旦。子時正初刻初分。為冬至。

步月 三

今康熙庚午歲。天正朔旦經朔應三十日一三七二
二〇七八三。〇五。

置上元歲積。減去庚午閏應九日一六八四一三九
一九六。以朔策二十九日五三。〇五歸之。得一十三

九三三八八。〇一二五

萬八千一百有四月。內少三日。即加之。得朔積四百。
。七萬八千二百九十三日。一三七二三。七八三。
。五。減去庚午經朔應。以旬周累除之。餘三日。整得。
辛酉日旦。子時正初刻初分。為上元天正朔旦。

漢志曰。日合于天統。月合于地統。斗合于人統。日
合天統者。步日必始冬至子半也。月合地統者。步
月必始三日出庚也。斗合人統者。步斗必始龍角
大辰也。按漢志所載。實上元真數。即治曆定法。蓋
去古未遠。古聖遺言。猶有存者。雍敬初于天地始

終之數。彷彿若有所見。因以爻策求之。果得四子
真元。繼以朔策求之。乃得辛酉為天正朔。而冬至
在初三夜子。此時宵中未免有至朔分齊之見。不
勝自疑。忽憶步月必始三日出庚之語。乃遂豁然。
夫三統之理。為劉歆所改竄。幾於漸滅矣。而猶幸
此語獨不抹殺于至朔分齊之日。殆天之暗為呵
護。為今日之左券也。

或曰。開闢既始于冬至甲子。而朔在辛酉。則朔又
出開闢之前。而日月不同元矣。曰。惟開闢始于三

日冬至。日月同元。故古法步月始于三日。不起于
夜中。半。而起于初昏。從所見也。若夜半則若夫月法
之始于朔者。乃後人之曆術。要得執此而致疑天
之定理哉。夫月之合朔。猶五星之合伏也。試觀五
星合伏之率。于開闢時。必不能皆適周其率而無
餘分。如木星前合應。在癸亥天正大雪前三日。火
星前合應。在壬戌霜降節。土星前合應。在癸亥立
夏前一日。金星前合應。在癸亥大暑前三日。水星
前合應。在癸亥霜降後七日。則五星周策。何一不

出于開闢之前。而朔策之起于前三日。又何足異邪。且天地開闢。必以其漸。非甲子冬至以前。並無日月星辰。不至是始一旦忽然而有也。若謂六甲當始于甲子。以前不應有零日。要知聖人之作甲子。亦不過於此立一箇界限耳。非謂以前則甲子天正冬至。實為癸亥之仲冬。甲子歲前。何以有零年零時乎。

步斗四

北斗之象。杓樞龍角。衡殷南斗。魁枕參首。此據上元之象。東面主入度言。今推開闢之昏。魁所建之左。日月金水

木在焉。杓所建之石。火土在焉。衡所建之宿。是為中星。天運始終之所由著也。而周天度數。則首從斗杓而分。日月星辰。悉為斗綱所管攝。故書曰在璇璣玉衡以齊七政。天官書曰斗為帝車。運乎中央。臨制四鄉。分陰陽。定四時。均五行。移節度。定諸紀。皆繫於斗也。

三垣五

三垣之分上中下。舉世所習聞也。抑知名之所自。由於上元天象乎。今推上元。太微在上。紫微在中。天

市在下。一一自有定位。信而可徵。亦顯而易見。何古今之求元者。即三垣定象。亦未之思及也邪。

四象 六

蒼龍朱鳥白虎元武。四象。世謂甘石所分。然堯典已云日中星鳥。則是上古之遺法矣。夫天體旋運。無一息之停。安得有東西南北之可分。今推上元。而見四象確有定位。是知古聖立法。無不本於先天也。

辰次 七

子丑寅卯辰巳午未申酉戌亥。在地之方位。一定而

不易。故可得以正名之。若天之辰次。運轉不常。何以
亦有方位之分乎。今推上元昏象。則元枵在子。星紀
在丑。析木在寅。大火在卯。壽星在辰。鶉尾在巳。鶉火
在午。鶉首在未。實沈在申。大梁在酉。降婁在戌。娵訾
在亥。天地合象。自有一定。是知辰次之分。為古聖遺
法。妙合先天。朱子所謂惟天之鶉火。加于地之午位。
乃與地合。而得天運之正者。是也。夫先天有定象。古
聖有定法。而世乃有移易宮次者。不幾誣天畔聖矣
乎。

雲漢八

雲漢之象。從七星而起。南至于箕斗之間而沒。黃河自

星宿海發源。至直沽入海。皆自坤抵艮。上下相應。方

位不爽。故雲漢曰天河。名從乎地也。以地有河源曰

星宿。名從乎天也。以雲漢起即古人之正名百物而


在天成象。在地成形之理著焉。舊經謂起箕尾而沒

天地相應之理。故倒言之耳。又驗之于象。自天津而下。復分一派。


入天市。吳越二星之間。此則應于江者也。蓋行地莫

如江河。固當並著于天矣。

上元雲漢圖



二十次分野圖



分野九

十二辰次者。始无枹終如堂天之定位也。十二方隅者。始无枹終如堂地之定位也。十二分野者。天地相應之定位也。天之體著乎象。從其初見。故辰次定于初昏。地之運顯于熒。始于冬至。故分野定于夜半。分野古有二法。以元枹為額項之墟。壽星為太昊之墟。鶉火為軒轅祝融之墟。

上元昏象。軒轅正當天頂。故張衡曰。黃帝軒轅于中。一行曰。七星係軒轅。得土行正位。中岳象也。

降婁為少昊之墟者。此從乎初昏者也。若十二國分配。則從乎夜半者也。餘詳分野說

從初昏。則析木屬燕。從夜半。則析木屬越。二者當分別觀之。漢人不知其理。以初昏之象。混入夜半。故以析木為燕分。而越則反無其次。則不得不併入星紀。而今野之理。遂不可復問矣。

今圖以上元日躔畢五度移入子宮。則十二次與十二國。東西南北。一一相配。理自不易。而從來舛謬之說。可得而正矣。

帝座十

微垣帝座。正指心宿。故心為明堂布政之宮。初春向
郊。易曰。帝出乎震是也。戌亥則向辰巳之間。而斗杓
則在丙巳之位。自此而右。則七政序列焉。故曰齊乎
巽也。至于子時。則大火正當午位。帝座向南。為聖人
南面而聽天下之象。故曰相見乎離也。子時冬至地
始聞故分
野定于此時。為聖人南面而聽天下之象。天以午為
中。心故指以心宿。而世人但以象差。龍之心者。知
其一也。未知及寅丑之時。移向未申。為一陽既復之後。
其二也。
則萬物資生矣。故曰致役于坤。卯時向西。則周歷半

周天氣機已足。故曰說言乎兌。辰巳時則西沒于地。離陽入陰。故曰戰乎乾也。午時向子。正下潛地中。休息無為。故曰勞乎坎也。至未申向艮。則一周運終。則復始。故曰成乎言_乎艮也。然易之言帝。但為天之主宰。初未嘗實有所指。而據以為上元乾象者。易之數虛。故以神言。曆之數實。故以象言也。

天之有北極。猶人之有心。人之神藏于心。則天之主宰。何必不寄于象邪。但不可執象而以為神專在是耳。

乾坤定位 十一

天地方位。以蓋天法觀之。則午南子北。以渾天法觀之。則午上子下。蓋天體渾淪。縱橫觀之而皆得也。先天易。乾南坤北。即乾上坤下。故曰乾坤定位。今推上元之象。午為鵲火。而在上。子為元枵。而在下。徵諸易而其理蓋信矣。

奇門三白 十二


術家三白法。本即遁甲三奇。以洛書之數為法。故從坎宮一白起算。上元甲子起一白。中元甲子起七赤。

下元甲子起四綠。逆行九年一周。三甲子一大周。今從康熙二十三年甲子起一白。逆推之上元開闢。正起一白。

禽星 十三

術家值年禽星。以上元起氐宿。凡七甲子而一周。故氐為七甲符頭。氐為天根。在斗杓帝座所指之間。故法從此起。蓋亦有所取義云。今置上元至康熙二十三年甲子距算。一萬一千一百六十六年。以宿數二十累除之。餘十有六宿。從氐宿順數。得畢月鳥。為今元甲子禽星。與時憲曆完合。

五天氣圖



五天氣 十四

按素問岐伯曰。臣覽太始天元冊文。丹天之氣。經于牛女戊分。蒼天之氣。經于心尾己分。蒼天之氣。經于危室柳鬼。素天之氣。經于亢氐昂畢。元天之氣。經于張翼婁胃。所謂戊己分者。奎壁角軫。則天地之門戶也。

戊與丙同位于己。己與丁同位于午。戊己本在中宮。而已午為其寄位末句之意。是明戊己屬土而已為地戶。故戊己在己午間。非戊分在己而已分。

在亥也。舊圖並謬。茲特正之。

今推上元五緯。實各躔其氣之所經。自牛至張為丹天之氣。則火星躔于其間。自尾之^至柳為齡天之氣。則土星躔于其間。自^{危至}尾之鬼為蒼天之氣。則木星躔于其間。自元^至昂為素天之氣。則金星躔焉。自婁^至翼為元天之氣。則水星躔焉。五天之氣。縱橫交錯。皆從虛宿左右而分。而虛宿獨不為天氣之所經者。則以下潛黃泉之故。命其宿曰虛。命其次曰元枵。皆取天氣不經為義。試以是圖與上元乾象參觀之。則五

行之定理。上元之定象。皆可見矣。

宿起畢昴十五

曆家于二十八宿。多起于角。從斗杓而分。以東方蒼龍為之首也。律書起東辟。以乾位不周風為之首也。蔡邕月令起危。一行大衍曆起斗。以日躔所在為之首也。要未有以畢昴為首者。今攷儒家。則有曰天左迴而起牽牛。地右開而起畢昴。于老氏則祭地亦起畢昴。于釋氏則有曰初置星宿。昴為先首。出法苑珠林非的有所本。何三教之言。若合符節乎。今推上元之初。

日彊起畢。天皇之世。日彊在昴。從開闢之象。則以畢
為首。從命名之始。則以昴為首也。

命名必在曆法始興之際。曰初置星宿者。謂初立
星宿之名耳。

先天列象 十六

道家符錄要法。在取天罡祖炁。祖炁者。在人先天之
炁也。天罡者。在天先天之炁也。其取天罡氣法曰。行
法之時。將身正立。存神默想。左有青龍。右有白虎。前
有南斗一座。

七星之為南斗。世鮮知者。而道家能言
之。即此又證其術之必有所從來矣。

後有北斗一座。覺斗杓指在吾前眼角辰巽之位。旁
有小紅星。即天罡也。云々。今推上元。蒼龍七宿在左。
白虎七宿在右。南斗在前。北斗在後。斗杓指辰。其象
畢合符錄之說。儒者多不之信。然往々有驗。以至真
之理。出于其中也。

求上元日躔

平初甲子。天正冬至。太陽躔留六度。古赤道界五上

距上元甲子七百二十歲。以歲差法。七十歲。九六

八引而退之。差一十。度一四五六二八八五。得參

旗二度。古赤道界四為上元冬至太陽所躔度。

求上元月離

上元日月合朔。在冬至前三日。從參旗二度反減得

濁二度。古赤道界為合朔度。距三日昏時。凡二冊七

十二刻半。以月平行度策。十三度三六八二乘之得

三十六度四二。從濁二度順推。得狼二度。古赤道并十度五一
為上元冬至太陰所躔度。

一求上元五緯所躔

歲星 置今康熙庚午天正冬至。上距上元甲子。萬一

一千一百六十六歲 歲積四百。七萬八千二百九十九日三

〇五六減去庚午木合應。三百一十九日 以新定木周率三百

九十八日 累除之餘一十六日二四〇〇。得小寒節

為合伏日。太陽入盈曆。應加七千八七〇分。從上元

日彊參旗二度。詳上順推一十七度。二得罰四度。古赤

道參三為合伏度。查木星行率。合伏前一十六日強。
應行三度四。從罰四度。反減得參旗十五度。古未道
一度為上元冬至歲星所躔度。

置前歲積。減去庚午前合應。三百二十四此係舊法又

除太初丁丑前積。三百四十二萬三千四百一十九日二五四一以舊術

今木周率。三百九十八日八累除之。餘不滿周者。三百九

七五併入太初前積。再以古木周率。三百九十八日七六

累除之。餘一日五四八一。太陽入盈曆。應加七百

七十分。從上元日躔畢五度。順推一度六二。得畢

六度五度八二為合伏度。即為上元冬至歲星所躔度。

木星周率。既已改定。而復用舊術推之。併載于此。

者。以明上元乾象。五星之順序相生。即用舊術。亦

相吻合。

木星亦在太陽之後辰星之前

其所以更定新法者。本為

舊術謬妄。故務求密率。以合天行。非欲傳會上元乾象。而改法以就我之說也。

癸惑

置前歲積。減去庚午火合應。

四百七十四日五五四七以

火周率

七百七十九日九二九

累除之。餘三百五十五日九三

八八。得甲子歲大雪後六日合伏。太陽入縮末八十

日。應加二度三七。從上元日躔參旗二度。順推三百五十五度九一。得留六度。古赤道昇五度九二為合伏度。查大星行率。合伏前三百五十六日弱。應行二百一十五度二。從留六度。反減得辰宮赤道角六度。五度為上元冬至焚惑所躔度。

填星 置前歲積。減去庚午土合應。五十五日六二一五以土

周率。三百七十八日九一六累除之。餘一百四十七日六八六

四。得甲子歲立夏後一十二日半弱。合伏太陽入盈末五十八日七八。應減二度。四。從上元日躔參旗

二度順推一百四十八度。四九得九初度末為合
伏度。查土星行率。合伏前一百四十七日半強。應行
九度二五。從九初度末。反減得辰宮赤道角四度。三度
二為上元冬至填星所躔度。

太白置前歲積。減去庚午金合應。四百七十六日八。六六以

金周率。五百八十三日九。二六累除之餘四百三十。日六四

三一減一歲策。存六十五日四。五得乙丑歲兩

水後七日合伏。太陽入盈曆六十五日半弱。應加二

度二一。從參旗二度。當退去歲差分順推六十七度六。得注

八度

古赤道初七度八

為合伏查金星行率。合伏前四百三

十。日半強。應行三百九十一度三二。除一周策。存

二十六度〇七。從注八度。反減得未宮赤道弧五度。

古赤道并十八度七三 為上元冬至太白所躔度。

辰星

置前歲積減去庚午水合應

八十一〇日五九一三 以水

周率

一百一十五日八七六

累除之餘七十八日七七〇二得

驚蟄後五日合伏。太陽入盈曆七十九日弱。應加二

度三二。從上元日躔參旗二度。順推八十一度〇九。

得星七度三為合伏度。查水星行率。合伏前七十九

日弱。應行五十六度六。從星七度。反減得申宮赤道
罰十一度。古赤道并一度七為上元冬至辰星所躔度。

求終元經炁應

置一元歲積一千。百。十。萬四千一百七十八
日五十刻。以旬周累除之。餘一十八日有半。得甲午
年。庚午月。壬午日。丙午時。初四刻末刻。為終元夏至。
求終元經朔應

置一元朔積一千。百。十。萬四千一百六十七
日八八。五五一五八六六。減去上元閏應三日。以

旬周累除之。餘四日八八。五五一五八六六。得戊辰日矣。初刻五十五分。為中元甲午五月經朔應。

求終元日躔

平初甲子日躔起留六度。積四百三十二甲子歲差一周而復于其所。下距終元甲午。尚有七百五十歲。以歲差法見推而進之。應差一十度五六八三。得百宮赤道胃九度。胃八度四九為甲午天正冬至日躔度。加半周策。得卯宮赤道氐六度。五度八六為終元甲午夏至太陽所躔度。

求終元月離

終元夏至壬午初昏刻。距前經朔戊辰日。八十八刻。
○五分五一太。凡一十三日九四四四八太。從夏
至日躔氏六度。反減一十三度三。入盈末曆。故應減。得元二
度。一度為五月朔旦合朔度。再置前夏至距朔日之
數為實。以月平行度策見為法乘之。得一百八十六
度四一。從五月合朔元二度順推之。得戌宮古赤道
婁十一度。十五度為終元甲午夏至昏時太陰所躔度。

求終元五緯所躔

歲星 置庚午下距終元甲午。天正冬至。一萬六千二百二十

歲積五百九十二萬五千六百九十六日五七三。

加庚午前合應。三百一十九日。以新定本周率。三百九十八日八六一九

累除之餘一百二十四日二二四七。置歲策反減之。

得二百四十一日〇一七九。為癸巳處暑前四日六

合伏。太陽入縮曆五十八日三九六六。應減二度零。

從古赤道歲差日躔胃九度。八度順推二百三十八

度九八。得斗九度二八。為至前合伏度。自合伏後至

甲午夏至。有三百。六日八四六。查木星行率。應

行一十五度六七。從斗九度順推得丑宮赤道斗二

十四度。二十三度二十三為終元夏至歲星所躔度。

熒惑。置前歲積。加庚午火合應。四百七十四日五五四七以火

周率。七百五十九日九二九累除之餘二百七十日五八五七。

置歲策反減之。得九十四日六五六九。為癸巳春分

後六日合伏。太陽入盈末五日七四七七。應減。度

二七二六。從古赤道歲差日躔胃九度順推九十六

度七八。得星二度。一度二六為至前合伏度。自合伏後至

甲午夏至。有四百五十三日二〇七。查火星行率。應
行二百〇四度二七。從星二度。順推得亥宮赤道危
十五度。二十四度二十八度為終元夏至。熒惑所躔度。
填星。置前歲積。加庚午土合應。五十五日六十二日以土周
率累除之。三百七十八日九一十六日餘三百〇〇日六三九三。置
原策反減之。得七十七日四五二三。為甲子驚蟄後
四日合伏。太陽入盈曆七十七日半弱。應加二度三
五六。從古赤道歲差日躔胃九度。順推七十九度八
〇八三。得鬼四度。三度二十八度合伏。自合伏至夏至。有一百

○五日二○四七。查土星行率。應行一十○度一二。
從鬼四度。順推得午宮赤道柳十度。四九一度為終元夏
至填星所躔度。

太白 置前歲積。加庚午金合應。四百九十六以金

周率 三百八十三 累除之。餘一百四十五日八九二

二。置歲策反減之。得二百一十九日三五○四。為癸

己歲大暑後五日合伏。太陽入縮曆三十六日七二

九。應減一度四七七四。從古赤道歲差日躔胃九度。

順推二百一十七度八七三。得尾十七度一十六度合

伏。自合伏後至甲午夏至。有三百二十八日五一三五。查金星行率。應行二百八十八度二八。從尾十七度。順推得己宮赤道軫三度。二九度為終元夏至太白所躔度。

辰星。置前歲積。加庚午水合應。八十一日以水周

率。一百一十五日累除之。餘一百一十。日二七六三。

置原策反減得五日五九九七。又加一率策共一百二十一日四七五七。為甲午穀雨後二日合伏。太陽入盈末三十二日五六六五。應減一度三四一四。從

古赤道歲差日躔胃九度順推一百二十二度五三
六得翼三度。二度合伏。自合伏後至夏至有六十一
日一八一三查水星行率應行五十五度六。從翼三
度順推得卯宮赤道低二度。一度為終元夏至辰星
所躔度。

定曆玉衡卷十

秀水 張雍敬著

歲差總說

日行信。天行健。故經星比太陽日進一度。凡一歲比太陽多一周。然有不及之分秒。故經星漸差而東。蓋日計之而見為有餘。歲計之而反若不足也。是名歲差。

此本經星之不及日耳。而曆家反謂日不及天。則不知經緯同為左旋。而誤以經星作硬盤看也。

歲差之法。原于三正。而月令中星。不宗堯典。則周秦以前。定法固在也。蓋唯以日自為日。經星自為經星。故歲差之名不立。而其理自著。至漢人執牽牛為冬至常宿。以天周為歲終。其理始晦。晉虞喜始以天自為天。歲自為歲。使見其不及之數。謂之歲差。承漢法之謬。以立名也。自是曆家咸宗其說。而所定年限。或多或少。莫有得其真數者。歲差之日。驛不真。則五朔交轉。俱無由正。而致步天路多不合矣。是以曆法重之。欲求真數。是有五要。立周法以總其數。推三正以

窮其源。宗堯典以為演紀之端。致舊曆以著合符之理。臚羣說以辨踈謬之術。五要得而歲差之法定矣。

立周法

試問曆家能舍堯策而定歲法乎。則必謝曰。不能。
舍朔策而定月法乎。則亦必謝曰。不能。蓋堯朔之策。
所以為周也。舍周法。則歲月無由定矣。今欲定歲差。
而不知周法可乎。且歲月既有周法。而自漢以至今。
經營者幾二千載。修改者凡六十家。而堯朔之策。猶
未真也。況不知周法。而欲定歲差乎。古今之立術者。

不過攷太初以降諸曆之日躔以為證據。夫會而量之。至于筭必有餘會。銖而衡之。至于錙必有餘銖。天運始終有一元之久而所據近在漢魏以來。幾何其不差也。則先儒周法之說。所當亟為講求矣。

朱子曰。曆法要常先論太虛。以見三百六十五度四分度之一。一一定位。然後論天行。以見天度加損虛度歲分。歲分既定。然後七政乃可齊耳。黃道之差。始自春分。秋分赤道所交。月道之差。始自交初。交中黃道所交。日出入赤道二十四度。月出入

黃道六度。黃道一周。退前所交六十分度之一。是謂歲差。月道一周。退前所交一度八萬九千七百七十三分度之四萬三千五百三秒半。積二萬一千九百一十五年而歲差周。積二百二十一月及分一千七百五十三而交通周矣。

李肇國史補曰。裴胃之問董生曰。日常右轉。星常左轉。大約不滿三萬年。日行周二十八舍三百六十五度。然必有差。約八十年差一度。自漢文帝三年甲子冬至日。在斗二十二度。至唐興元甲子冬

至日在斗。九度九百六十一年。差十三度矣。

按此則歲差用法。先儒固已發明之。其數雖未真。而其理自居于不易矣。

今推得四百三十二甲子。而星曜一周。範圍既定。天運自齊。於是。由周法以分宮。由宮以分度。乘流源赴源流。由本達末。天道雖微。一元雖久。可坐而致也。

推三正

歲差之必立周法。固已。然天運之周。如環之無端。苟不能知其所由始。則亦莫知所以終。而求之前後二

萬五千九百二十歲之間。必且茫無畔^所。則周法亦
僅為虛談。而年限終難為據矣。故欲明周法。必攷三
正。蓋天運之周。始于是。曆法之作。亦始于是也。彼漢儒
之言三正者。第曰周正建子。商正建丑。夏正建寅。不
過改移一月。以易民視聽。一若上無關於天道。下無
切于民事者。則古聖人亦何必規^上焉。以此為一代
之鉅典乎。且急索三正。語見甘誓。豈當夏之世。豈已
遂知商周之事乎。故鄭康成謂改正為三代以上之
法。不為無所見矣。

鄭氏所見。自遠勝孔安國王肅輩。然謂唐建丑。虞
建子。與宋志謂黃帝高辛夏后氏以十三月。少昊
唐商以十二月。高陽虞周以十一月。論語疏。謂宓
戲黑。女媧白。神農赤。黃帝黑。少昊白。高陽赤。高辛
黑。唐白。虞赤。夏黑。殷白。周赤。此即三則又不然。蓋
三正之改。因乎天象。天象歲差。不可復返。則人皇
以降。建寅之法。為不可易矣。詳三統記故顓帝作曆。攝
提首紀。堯命羲氏。鳥正仲春。虞帝巡方。必按四仲。
則三正自為太古遺法。而五帝之世。皆建寅無疑。

此周書謂夏數得天。百王所同者是已。至于商湯用師于夏。順天革命。改正朔。變服殊號。一文一質。示不相沿。以建丑之月為正。易民視聽。此又借三正舊法。以示鼎革之象。蓋襲其文而殊其實者也。今攷堯時冬至日短星昴。以歲差法推而上之。距三十六甲子。中星在申。天象中於申。則地氣中於寅。故於時建寅。是謂人正。而其君為人皇氏。又前三十六甲子。中星在未。天象中於未。則地氣中於丑。故於時建丑。是謂地正。而其君為地皇氏。又前三十六甲子。

中星在午。天象中於午。則地氣中於子。故於時建子。
是謂天正。而其君為天皇氏。質諸天道。攷諸年世。參
諸傳記。無不符協。是知三正之建。古聖人本天立法。
所以欽若乾象。敬授民時。理本乎自然。法居其至當。
也。或疑曆法始於羲黃。未必叛于三皇之世。則將謂
太古聖人。不知天道乎。抑太古聖人。承天子民。無所
事于欽若授時乎。曆紀等書。言天皇氏始制干支。以
定歲之所在。

于支紀歲。曆中要事。故史記曆書備載之。世謂定

義造甲子者。蓋古法歲陽首焉達。

周雅作
同達

歲陰首

攝提格而月陽月名。又與歲之干支不同。文煩義

艱。於是易焉達為甲。困鼓為子。歲月日時一以是

紀。

日月之畢亦為甲。月之事亦為子。

義因乎舊。文從其簡。乃改而非

辨也。世又謂定義以前未有甲子。但以易草木為

一歲。此本于古三墳。乃宋人所造之偽書。其山墳

氣墳形墳。如世俗筮筮之所謂聖陰陽。全無意旨。

其姓紀策辟政典諸篇。詞語鄙俚。讀之欲嘔。蓋偽

書中之最下者。

地皇氏爰定三辰。是分宵晝。

三辰宵晝。乃天道自然。何待聖人定之分之。蓋定三辰者。即步日步月步斗之法。分宵晝者。即昏旦晷刻之法也。又云。以三十日為一月。十一月為冬至。則歲法朔法無不備矣。

今皆採入通鑑。世因童而習之矣。安得謂羲軒以前未有曆法也耶。今以法推天皇氏平初元年甲子。天正冬至日。彊在留六度。中星為七星七度。乃歲差一周之始也。

宗堯典

夫推歲差而必上窮天運一周之始。此固非術士之所能知。至帝堯之時。歲差星曜。適過四分之一。致古者以此爲演紀之端。苟能得其真數。亦政無異於源起平初之法矣。粵稽唐世。天象中於酉。地氣中於卯。正當卯運之中。猶一歲之春分。一日之既旦。二氣得其中和。萬象于焉昭朗。故聖人生于其間。開文明之運。昭邺隆之治。冠百王而邁千古也。夫以放勳之聖。在位百年。功烈文章。當不可勝紀。而史臣獨詳其欽

若曆象一事。此豈但以敬天勤民為帝王之首務哉。
亦以四正中星。不僅定一時之象。而實垂萬世之憲。
也。今取周天之度四分之。子午卯酉是為四正。南正
鶉火星七為中。北正元枵。虛八為中。東正大火。房二
為中。西正大梁。昴六為中。二星與日躔近一而遠三。
上推帝堯即位之初。日躔歲差在赤道虛九度。則昴
七為中。故曰日短星昴。

攷帝堯之八十一年甲子。上距平初甲子。凡一百
有八甲子。歲差星躔。適過四分之一。冬至中星為

昴六度。日躔在虛八度。其即位之初。尚在虛九度。按竹書紀年。堯於丙子即位。故隋袁先云。四十九年得上元第一紀。路史以爲戊寅即位。故曰四十七年得天正甲子。皇甫謐世紀。卻子經世書皆云。甲辰即位。二十一年得甲子。通鑑及曆家積年甲子俱從之。其自堯元年至今康熙二十九年庚午。從世紀等書。則爲四千零四十七年。日躔歲差。當在虛九度。從竹書則爲三千八百三十五年。日躔歲差。當在虛六度。書傳年數。既相懸二百一十二

年。則歲差度之為虛九虛六。將安所定邪。曰。此固無碍于定法也。世惟不知定法。故年世不真。則年限亦從之而謬。是以難得其合耳。若周法既正。源流既清。則帝王年世。譬如郵傳之過客。任其或先或後。而天運自是一定。從竹書。則算起虛六。從世紀。則算起虛九。俱無不可矣。至于甲子之為二十一年。為四十七年。為四十九年。命義和之為元年。為甲子年事。亦皆在所不必拘。拜帝王年世是以歲差定法。莫要乎立周法。推三正也。

春分日躔昴九。古未有躔昴法。但平分二則軒轅為
中。故曰日中星鳥。

鄭康成謂南方七宿。總為朱鳥。取畢見之義。蓋漢
儒未知歲差。欲牽合于月令仲春昏弧中之文。故
作此解。恐聖人言曆。不若是之踈也。故天官書蒼
龍為房心。白虎為五車。朱鳥為權衡。元武為虛危。
皆指四正中一二宿為言。可見古之所謂四象者。
如是。按春分中星。當為張三度。而軒轅為衡。其中
間大星。又名權。政入張二度。則所謂朱鳥者。指軒

轅而言也。

夏至日躔張初則火星為中。故曰日永星火。

火心星也。夏至日躔張初則中星房三。而云星火。

差二度餘。或畫永而昏候稍遲。或赤道之古今異。

術。

世所傳古赤道猶是周時之法。群古宿名說。

未易強為之說也。孫顯

云星火非謂心星。卯之三十度。總為大火之次。說

雖可通。然未免猶存鄭氏之見。

秋分日躔房三則虛九為中。故曰宵中星虛。而說者

謂或言星。或言象。或言次。為錯舉成文。以此釋經。猶

之可也。於以言曆。則已疎矣。夫星火星鳥。後人所解。或有不同。而星昴星虛。則聖人之言。固昭于日月也。學者攷古。亦惟尊其可信。而無穿鑿其所疑。斯已矣。乃古今曆家所推。以為演紀之端者。女十。危五。虛一。虛六。妄為意度。皆謬聖言。夫冬至在女十虛一。則日短星胃。而不得為昴。冬至在危五。則宵中星危。而不得為虛。諸術中惟起虛六者。於法為近。所據者經。而先已乖舛。則昧其源矣。又安問其流乎。

攷舊曆

周法立而元起平初。則源遠流潔。舉千萬歲之星曜。皆不出我之範圍。固無俟稽諸舊曆矣。然而遠有可據者。又貴乎近有可徵也。今以步斗法推太初以來諸曆。其測驗密近。而世所宗信者。皆往々而合。蓋信元起平初之非誣。其當日所測之日躔。或係黃道。或係赤道。世所蒙混莫辨者。又一一分別之。蓋信步斗定法之不可易。其詳證如左。

秦曆冬至日躔在古赤道斗二十六度。

月令曰。仲冬之月。日在斗。是也。

天皇氏平初元年甲子。至秦莊襄王元年壬子。天

正冬至。積年八千五百。八年。以歲差法。七十六歲

五二二六歸之。應退一百一十九度八八七五一

四。置步斗法年正起算。虛度三百。四度三七五。

減去象限九十一度三一二五。係古赤道象限。蓋

初之冬至中星。一強相距四又減去上歲差數餘

九十三度一七四九八六。查步斗表得古赤道斗

二十六度。查表中積度九十三度為斗廿五。其不

西漢太初曆。冬至日躔在古赤道斗二十四度。

漢書言太初曆日月在建星。則固明其為斗矣。建星即斗。其謂起于牽牛者。則緯書之誤。而後人因漢書辨而誣之耳。

平初甲子。至漢武帝太初元年丁丑。天正冬至。積距八千六百五十三歲。應差一百二十一度九三。七三一。置步斗虛度如前法。減去象限。及上歲差數。餘九十一度一三一七六九。查步斗表。得赤道斗二十四度。

東漢元和曆冬至日。躔在古赤道斗二十一度。

永元中冬至日曜。在古黃道斗十九度四分之_一。
漢書曰。三統法。至章帝時。後天益甚。晦或見。月元
和二年。日月宿度。皆覺寢移。候者皆知。冬至之日。
在斗二十一度。未至牽牛五度。晦朔弦望。差天一
日。永元中。賈逵始以石氏黃道規測。冬至日在斗
十九度四分之_一。按歲日曜。有赤道黃道之別。
漢書原極分明。而攷古者。多未之審。何也。

平初甲子。至漢章帝元和二年乙酉。天正冬至。積
距八千八百四十一歲。應差一百二十四度五七

九八六七。置步斗虛度如前法。減去象限及歲差數。餘八十八度四八二六三三。查步斗表得赤道斗二十一度。

至和帝永元十四年壬寅。又越一十七歲。應差二十三分九十五秒四九六。置前虛度所餘零分八二三六減去上之歲差數。餘八十八度二四三〇八四。查步斗表得黃道斗十九度之二四三〇八四。與所謂四分之一。微差六十九秒者。漢書祇舉其大畧也。然亦可謂確合矣。

晉太元曆冬至日躔在古赤道斗十七度。

平初甲子至晉孝武帝太元九年甲申。天正冬至九千一百四十歲。應差一百二十八度七九三一。二置步斗虛度如前法。減去象限及上歲差數。餘八十四度二六九三八。查步斗表得赤道斗十七度。

宋元嘉曆冬至日躔在古黃道斗十四度。

平初甲子至宋文帝元嘉二十年癸未。天正冬至九千一百九十九歲。應差一百二十九度六三四。

一。置步斗虛度如前法。減去象限。及上歲差數。餘八十三度四二八四。查步斗表。得黃道斗十四度。按太元所測赤道之度也。元嘉所測莫道之度也。而世皆混引莫辨。夫太元至元嘉僅六十年。豈遂差三四度乎。亦弗思甚也。

唐大衍曆冬至日躔在古黃道斗十度。

九度半

平初甲子至唐元宗開元十二年甲子。天正冬至九千四百八十歲。應差一百三十三度五八四一。一三。置步斗虛度如前法。減去象限。及上歲差數。

餘七十八度^九四七八三。查步斗表得黃道斗
十度。新法與舊測微差二分餘。蓋天衍所謂在斗
九度半者。亦祇舉其大畧也。

宋慶曆甲申。崇天曆。冬至日躔在古黃道斗五度。

平初甲子。至宋仁宗慶曆五年甲申。天正冬至。凡
千八百歲。應差一百三十八度。九三二八一。置
步斗虛度如前法。減去象限。及上歲差數。餘七十
四度九六九二一九。得黃道斗五度。亦是古黃道。
非宋法也。
按紀元曆謂是赤道斗五度者。因其年限多。七十八年。

而演紀又起虛一度。距堯時積差四十二度餘。則
為赤道之斗五矣。今攷自元嘉以後諸曆。凡當日
之所攷中星。驗交蝕。而得日躔之真度者。本係黃
道之度。而皆謬指為赤道。在己之所測。猶且黃赤
莫辨。其能辨舊曆之孰為黃道。孰為赤道哉。

餘如六朝唐宋諸曆。所測日躔。查歲差年表。一一
可得其詳。無不允合。茲不多贅。

元授時曆冬至日躔。在授時黃道箕十度。九度二十

移入

平初甲子至元世祖至元十七年辛巳天正冬至
 一萬零三十七歲。應差一百四十一度四三二八
 八四。置步斗虛度如前法。減去授時象限。九十一度三十一
四三及上歲差數。餘七十一度六二七七四一。查
 步斗表得授時赤道筭九度八二七七四一。其黃
 道得斗初度五〇七三四一。皆與授時當日所推
 不合。赤道相應六十九分六十九秒。黃道相應八十七分五十九秒。致郭氏測候
 竊為精密。其日躔所在。要當無誤。或失之先天。至冬
加時先天則日亦必不至相懸如此之甚。蓋其大
理亦先天矣。

端在建都之地不同。為南北視差之故。而其謬處。又在黃赤道更改不得。古人步斗之法耳。今以歲差度從箕九度二十二分一十八秒逆推之。其赤道起午正星六度之七六八一。而以步斗法齊之。則為星六度之七二五。差三十一秒四分而其黃道得張一度八七九。五九四七。與古黃道午正為張二度者。亦不甚遠。可見天道自有至信之理。而步斗法誠為不易之規矣。及攷其分宮。則以星六度二一九三為黃道之午正。既非張二。而以步斗法齊

之。又為張三。見步斗表其法抵牾。良由黃赤道宿度求詳分秒。愈生乖舛也。

今時憲曆庚午。天正冬至。日躔在箕三度二十五分。西法周天止三百六十度。故三度當加四百三十分。六分八九四一三七。其度法止六十分。故二十五分當作四十一百六十六分。不盡六。準諸授時法。為箕三度四六〇三五六〇八。今攷庚午。上距至元辛巳四百〇九歲。應差五度七六三二八〇八六五。從箕九度二十二分一十八秒推而進之。當

在箕三度四十五分八十五秒一九一三五。僅差一十八秒太。蓋亦允合矣。

要之黃赤道自授時變法後。實度益不可為據。今且紀以虛度。其實度必當以步斗法攷定。周天然後命之。平初甲子至。

今龍飛康熙二十九年庚午。天正冬至。積距一萬。四百四十六歲。應差一百四十七度一九六一六五三四一一。減去平初至宗乾德元年甲子。歲差度四宮有半。今入寅宮。凡十度二三〇一七五七。

六四五也。

辨陳謬

古今之言歲差者其謬有五。凡在彼當日所測候而得者多為黃道。而自謂之赤道。一謬也。詳上篇黃赤道不同。而以當日所測之黃道。承古時之赤道為言。二謬也。古今黃赤道之度又不同。故改古當用古度。驗今當用今度。而後據今度。前承古度。三謬也。

古赤道午正星七度。古黃道午正張二度。差二度。數至箕一。又差三度。古赤道與宋元赤道。數至箕

一。差四度餘。古黃道與宋元黃道起張三。數至箕
一。約差二度。古赤道與宋元黃道。數至箕一。約差
七度。其不同也如是。即如慶曆甲申在斗五度。至
元辛巳在箕十度。未盈四甲子。而首尾相去六度。
豈真歲差如是之速哉。政以黃道更改有不同耳。
夫同為黃道。而前承古度。後據今度。則差謬已速。
況後據今黃道。前承古赤道。其舛謬又可勝言邪。
古曆日躔。有或係赤道。或係黃道之別。而攷古者。輒
引為據。四謬也。詳前今之箕末。古為斗五。古之虛一。

今為女十。實度之不可為據也。明矣。而執定實度。有
同膠柱五謬也。緣此五謬。故年限不得其真。而所推
演紀之端。須女虛危。皆為強坐。無惑乎屢變而屢差
也。爰萃舊說。而辨之如左。

賈逵曰。天道參差。必有餘。又有長短。不可以等
齊。治曆者。方以七十六歲斷之。則餘分稍長。得一
日。上十六歲差一日。即是差一度也。可見歲差之
理。漢世曆家。已有成法。但所定年限。仍拘定四
章為節之數。故易金火相革之卦曰。君子以治曆
故未真確。明時。又曰。湯武革命。順乎天而應乎人。言聖人必

曆日月星辰明數不可貫數千萬歲其間必改更。
先矩求度數。取合日月星辰所在。故有異世之術。
太初不能下通于今。猶新曆不能上得也。

宋元嘉二十年。何承天撰元嘉新曆。以月食之衝。

知日所在。又以中星驗之。知光時冬至日在須女

十度。

信如所推。則冬至中星當在
胃度。與日經星房不合。

今在斗十七度。

此係赤道度。蓋藝太
元舊法。而未之變也。

又測景以校二至。差三日有

餘。知今之南至。日應在斗十四度。

此係黃道度。黃
道斗十六。僅差一日。不得謂差三日餘。按太元甲

申至元嘉癸未。凡五十九歲。政曆差一度弱。天承

天未不知太元之斗十也。為赤道。而今之斗十四
為黃道。原不甚差也。所以不為別言之者。蓋更始
曆法。務取新異。以欺世。雖係。惟指為差三日餘。則
足以掩舊曆之跡。而見新曆之美。此挾詐以惑世
信耳。何後之曆家。皆為。按承天年限。以百年差一
度。自堯甲辰至宋癸未。距二千八百年。自斗十四
至斗十。差二十八度。則猶皆用黃道年限。雖疎而
術未謬也。

南齊書祖冲之曰。堯典云。日短星昴。以正仲冬。以
此推之。唐世日在危宿左五度許。晉如所言。則宵
中星處。又不合
矣。漢代之初。即秦曆也。冬至日在牽牛六度。秦曆
已在此

斗非在牽牛

辨見上篇

漢武改立太初曆冬至日在斗初

初太

在斗非牛初

後漢四分法冬至日在斗二十一

此係

道赤晉世姜友以月蝕檢日知冬至日在斗十七

此係

道赤今參以中星課以蝕望冬至之日在斗十三

此係

是黃道赤大明間在斗十四而以為在通而計

之未及百年已差二度按此引證多謬而以黃道

承赤道尤謬之甚者歲差之理不明弊始此矣

隋書宋祖沖之以四十六年每差一度至梁虞翻嫌

所差太多以一百八十六年差一度張胄元以此

二術年限懸隔。遷折中西家。以為差法。古今曆術

從無確見。但知以折中調停。為良法。以數之。可以非真也。八十三年却行一度。

則正合堯時日永星火。次符漢曆宿起斗初。

唐書曆志。傅仁均造戊寅元曆。冬至六十餘年輒

差一度。命辰起子。命度起虛六。符陰陽之始。日

短星昴。合于堯典。按帝王年世。若從竹書。堯時固

應在虛六。然以六十餘年差一度計之。自堯元年

丙子。從竹書至唐戊寅。凡二千七百六十二年。應差

四十六度。而自斗十一。唐初日曜初至虛六。僅有

四十一度。

蓋黃通則佳者三十七度。

故其命度雖偶合。而年限

實非也。

若徒世紀年數則愈加舛舛矣。

唐一行日度議曰。古曆日有常度。天周為歲終。故

係星度于節氣。其說似是而非。故久而益差。虞喜

覺之。使天為天。歲為歲。乃立差法。追其變。使五十

年退一度。何承天以為太過。乃倍其年而反不及。

皇極取二家中數為七十五年。蓋近之矣。考古史

及日官候簿。以通法之三十九分太為一歲之差。

三千四十分之。自帝堯演紀之端在虛一度。及今三十九分太。

開元甲子。却三十六度。而乾策復初矣。日在虛一。
則鳥火昴虛。皆以仲月昏中。合于堯典。劉炫依大
明曆。四十五年差一度。則冬至在虛危。而夏至火
已過中。梁武帝據虞創曆。皆八十六年差一度。則
唐虞之際。日在斗牛間。而冬至昴尚未中。以為皆
承閏後節。前月却使然。而此經終始一歲之事。不
容項者。四閏。按開元所測。冬至在斗十度者。係是
黃道。而自斗十至虛一。為數三十六度者。則赤道
之度也。若黃道止者。三十四度。黃赤二道混併。莫辨。自祖沖

之而後靡不坐此弊矣。

統元曆曰。崇天曆。慶曆甲申冬至。日在斗五度。以歲差之法推而上之。距開元甲子。凡三百二十一年。日差五度。故唐志云。開元甲子。日在赤道斗十度。是也。是黃道非赤道又推而上之。自開元至漢太初丁丑。凡八百二十七年。日差十度。唐志云。以開元大衍曆歲差引而退之。則太初丁丑日在斗二十度。是也。其太初云。日在牽牛初。為術疎矣。自太初丁丑推而上之。去秦莊襄王元年一百四十五年。日

差二度。冬至日當在斗二十二度。故月令云。日在斗。是也。自秦莊襄元年推而上之。至堯之甲子。凡二千二十一年。日差二十六度。冬至日當在虛一度。日沒而昴中。故堯典曰。日短星昴。是也。按此全寓大衍舊術。故其謬亦同。若年限之減為七十九年。則亦不安于舊說矣。

郭守敬授時曆議曰。以堯典中星攷之。其時冬至日在女虛之交。及攷之前史。漢元和二年冬至。日在斗二十一度。晉太元九年。退在斗十七度。

以上係古

赤道。宋元嘉二十年在斗十四度末。梁大同十年在斗十二度。隋開皇十八年猶在斗十二度。唐開元十二年在斗九度半。以上係古黃道今退在其十度。此係黃道較之多者七十餘年。少者不下五十年。輒差一度。豈歲差有遲速不同耶。何言之失也。宋慶元間改統天曆。取大衍歲差率八十二年。及開元所距之差五十五年。折取其中。得六十七年。為日却行一度之差。施之今日。質諸天道。實為密近。按此以古今黃道赤道並引混冰。尤為踈謬。

西法起帝嚳四十年甲子。日在虛六度。夏王不降
三十五年乙未。退入女宿。商武乙四年丙寅。退入
斗宿。周簡王丁亥十二年。退入斗宿。宋度宗戊辰。
退入箕宿度二分餘。按所言退過宿度之年數。遲
速參差。詳歲然通計之。大約七十五年而差一度。
也。自帝嚳甲子至宋度宗戊辰。凡三千六百六十二
四年。而自虛六至箕末。差西法度四十九度二
十一分。則當為七十五年也。蓋西法起于唐初。故其年限本諸
劉焯。而起度本諸傅仁均。皆襲隋唐之謬也。
總而論之。自元以前。其弊在于黃道承赤道。自元以

後其弊在以今度承古度也。夫堯時虛九。乃古赤道
今之箕三。乃元赤道。若謂堯時虛九。即元赤道之虛
九。今之箕三。即古赤道之箕三。則鮮有不謬者矣。故
古今歲差。以虛度紀之。謂堯時至今。應差若干度可
也。謂堯時虛九。至今箕三。共差若干度不可也。昔人
言歲差之理。要在使天自為天。歲自為歲。今欲命歲
差實度。亦要在使古自為古。今自為今。以授時曆為累歲非
步斗法。則雖欲分別古今而不得也。非周法。則雖欲
以虛度為紀而亦不能也。